


# **Муфтий Усмонхон Алимов ал-Азҳар шайхи билин учрашди**



09:23 / 10.01.2019 1797

Куни кечада Ўзбекистон делегацияси таркибида Миср давлатида хизмат сафарида бўлиб турган Ўзбекистон мусулмонлари идораси раиси, муфтий Усмонхон Алимов ал-Азҳар Шайхи Аҳмад Муҳаммад Тойийиб жаноблари билан учрашди. Бу ҳақда muslim.uz хабар бермоқда.

Хабарда айтилишича, Ўзбекистон Республикаси Президенти маслаҳатчиси Рустам Қосимов, Ўзбекистон Халқаро ислом академияси ректори Шуҳрат Ёвқочев ва ал-Азҳар мажмуасининг йирик уламолари иштирок этган мuloқotda Ўзбекистонда амалга оширилаётган диний-маърифий соҳадаги улкан ислоҳотлар ҳақида маълумотлар тақдим этилган. Шунингдек, Ўзбекистон ва Миср давлатлари ўртасидаги диний-маърифий соҳадаги ҳамкорлик алоқаларини ривожлантириш масалалари мухокама қилинган.

Мулоқот якунида томонлар ал-Азҳар мажмуаси ҳамда Ўзбекистондаги диний соҳага оид марказлар ўртасида ҳамкорлик қилиш түғрисидаги “Йўл харитаси” имзоланди.